

**PƆLU KALATA'N
M'Ɔ TIAN YI NNYUAN
M'Ɔ HELELI NWANLIN
TESALONINKI
ASƆNIN MMA'N-MƆ'N**

M'Ɔ wƆ nun'n

Kalata ehi anun, Ɔ nƆn nunhan kƆn'n mƆ PƆlv heleli nwanlin Tesaloninki asƆnin, mma'n-mƆ anun, Ɔ le da Nyanmian asi. Ɔ sanlin ke Tesaloninki asƆnin mma'n-mƆ le bƆ mƆndinlin bƆ dedi nun anun be kƆ bƆ nyunnun, ese be kulo bƆ nwƆn sunnzun mƆ be le kele bƆ ahulwa Ɔ. PƆlv a hele kalata ehi Ɔ'a wowula bƆ anwƆnsele, ese Ɔ'a tunge bƆ wƆ ejƆle mƆ anin Ɔ jji bƆ asƆnin nun anwƆn.

Kalata nin ati 1, PƆlv le wowula bƆ anwƆnsele wƆ yale'n mƆ be le nwun yí nin anun. Ɔ le kaci bƆ ke yé Mɪn Zozi fi nyanmiansu, Ɔ 'ba sa ba Ɔ yi bƆ wƆ yale'n mƆ be le nwun yí nin anun nán Ɔ tua bƆ mƆ be le man be nwun yale'n kale. Kalata nin ati 2.1-12, PƆlv le kan yé Mɪn ewale nin ejƆle biekun. Menian mmie-mƆ a seci asƆnin mma'n-mƆ ati anun. Be le kele ke yé Mɪn a a dada angonmin. PƆlv le kele nun ke asannan nán Zozi a sa a a'n, be 'ba nwun yí ke sƆanlan ati anun ete kƆn 'ba fite. Ɔ le AbƆnsanmƆn tunmin'n, Ɔ 'ba jasƆ Nyanmian akƆmin anun. Nan yé Mɪn Zozi 'ba man sƆanlan sƆ'n wu. Kalata nin ati 2.13-3.15, PƆlv le kan kele asƆnin mma'n-mƆ ke be tíla bƆ dedi nun anun kpolo, ese be bƆ mƆndinlin wƆ mmƆtƆe eyƆle nin anun. MƆ Ɔ 'kƆ kalata nin agualie'n, PƆlv a kuku bƆ asƆnin nun anun ejƆle kƆn asu. EjƆle sƆ'n y'Ɔ le ke Ɔ'a tí ke Tesaloninki

ebele asɔnɔn mma'n mmie-mɔ ngulo man ke be di junman. Pɔlv nwan be kánnzɔ bɛ́. Ɔ sanlɔn ke bé abalabɔ nɔn ngehele'n m'ɔ heheleli bé'n ngɔ man sɔ (3.6-15). Kalata nɔn agualɛ nun, Pɔlv le yeyila bé.

Ahɔn ebisa

¹ Mɔn Pɔlv, mɔn nɔn Silivɔn nɔn Timote yê ye le kele kalata ehi ye nwan emɔ Tesaloninki asɔnɔn mma'n-mɔ ɔ. Emɔ mɔ be nɔn yé Si Nyanmɔian nɔn yé Mɔn Zozi Kilisi a yɔ kɔn'n, ye 'bisa emɔ ahɔn.

² Nyanmɔian m'ɔ ti yé Si'n, ɔ nɔn yé Mɔn Zozi Kilisi, be nwún emɔ anwɔn anwunnvoe, ese be cíci emɔ alba.

Asɔna

³ Anianman-mɔ, ɔ fata ke temɔn biala ye da Nyanmɔian asɔ wɔ emɔ dunman nun. Ɔ di ke ye yɔ yí sɔ, afi dedi'n mɔ emɔ le yí'n, ɔ nɔn ehulo mɔ emɔ anun kɔn biala fa kulo bé bu nga'n-mɔ'n, ɔ kɔ yí nyunnun alihɔian biala. ⁴ Ehi ka ati, ye fa emɔ ye tu yé nɔan nun wɔ Nyanmɔian asɔnɔn'n-mɔ anun. Afi sunnzun mɔ emɔ le nwun yale ngacile kwalaa, mɔ be le kele emɔ ahulɔwa ɔ, emɔ dedi'n jin yí ja nun. ⁵ Yalɛ'n mɔ emɔ le nwun yí'n kele ke emɔ se fata Nyanmɔian Belemgbin Mân'n mɔ yí ti yé emɔ le nwun yale sɔ'n. Ɔ man se Nyanmɔian 'bua menian'n-mɔ ndee a, yí fɔ́n sɔ ɔ. ⁶ Afi, Nyanmɔian anyunnun, e ti sese ke ɔ héle bé mɔ be le kele emɔ yalɛ'n kɔsɔ yalɛ ⁷ yê emɔ mɔ be le kele emɔ ahulɔwa'n, Nyanmɔian 'ba man emɔ nɔn yé, ye 'nyan alaje. Alaje sɔ'n, ye 'ba nyan yí wɔ mele mɔ yé Mɔn Zozi fi nyanmiansɔ ɔ 'ba yi yí nwɔn kele'n. Ɔ nɔn yí tunminfoe mmɔfoe'n-mɔ yê ɔ 'ba a ɔ. ⁸ Ɔ 'ba a sɔn m'ɔ le jue nun afian, ɔ 'tua bé mɔ be nzi man Nyanmɔian

o non bé mɔ b'a nne man yé Mɪn Zozi Ejɔlekpa'n b'a nni man'n kale. ⁹ Menian sɔ'n-mɔ, bé ahatua mɔ be 'nyan yí'n y'ɔ le munnzue m'ɔ le man ayueli'e'n. Bé nyɪn ngɔ bɔ man yé Mɪn o non yí anunminnyanmɔn tunmin'n lé. ¹⁰ Cian mɔ Zozi 'ba a'n, menian'n-mɔ mɔ b'a le yí b'a li mɔ be ti yí di'e'n 'ba wula yí anunminnyanmɔn, eɛe be 'fva yí. Emɔ 'ba tanlan menian sɔ'n-mɔ anun bie. O sanlɪn ke Nyanmɪan Ejɔlekpa nɪn anwɔn kpaye'n mɔ ye bɔli'n, emɔ a le a li.

¹¹ Ehika ati, cian daa ye sele Nyanmɪan ye man emɔ. Ye sele yí ke o mán emɔ sé fata ngwan'n mɔ yí ti yé o'a fele emɔ yí nwɔn'n. O nanndi tunmin'n m'ɔ le yí nɪn asɔ, ye sele yí ke, nyɔle kpa mɔ yí nwɔn ajɔnlɪn wɔ emɔ ati anun'n, o mán emɔ yí nwɔn anwɔnsele maan emɔ hɔala yí yó. Eɛe nyɔle kpa m'ɔ kɔ man emɔ kɔ bɔ yí bɔ, m'ɔ kele ke emɔ le dedi'n, o mán emɔ yó dede be gúa yí bɔ. ¹² Ebele nɪn anun, o nanndi Nyanmɪan Kpili o non yé Mɪn Zozi Kilisi anwunnvoe nɪn asɔ, emɔ 'ba wula yé Mɪn Zozi anunminnyanmɔn, yí kɔsɔ, o 'ba wula emɔ bie.

2

Etefve Svanlan Kpili'n

¹ Anianman-mɔ, m'ɔ tɔ de yé Mɪn Zozi Kilisi ewale'n, o non yé nwan ehuan mɔ ye 'kuan wɔ yí nwɔn ebele'n, ye 'sele emɔ ke ² se emɔ a ti ke yé Mɪn cian sɔ nɪn a ju dada angɔnmɪn an, nán be man bé ti anun seɔi bé nde-nde sva, eɛe nán be man bé lva bɔ bé nwɔn. E 'su yí akpɔlɔwa a, svanlan bie a fa yé dunman a han ke Nyanmɪan a yí a hele yé maan y'a han ejɔle sɔ'n, anaan y'a hele yí nwɔn kalata ke yé Mɪn ewale cian nɪn a ju dada

angonmun. ³ Nán be man swanlan fíi sɪn atɪn ngacile biala asɔ ɔ laka bé. Ɔ sanlɪn kɛ asannan nan yé Mɪn Zozi a a'n, menian'n-mɔ 'ba yaci Nyanmɪan be tɔ, Ɛtefɔve Swanlan Kpili'n mɔ ɔ 'jasɔ Nyanmɪan akɔmɪn anun nán ɔ wu'n 'ba yɪ yɪ nwɔn kele. ⁴ Ɛtefɔve Swanlan Kpili sɔ'n, like biala mɔ menian'n-mɔ fa sɔ Nyanmɪan'n, ɔ ngɔ bu man yí like fíi. Nyanmɪan Kpili mɔ menian'n-mɔ sɔ yí'n, ɔ 'ba jasɔ yí kɔmɪn anun. Ɛsɛ bɔbɔ, ɔ 'ba hɔ dede ɔ kɔ wɔlɔ Nyanmɪan Sua Nwannzan-nwannzan nɪn anun, ɔ 'tanlan asɪ ɔ bu yí nwɔn kɛ yí bɔbɔ muonun y'ɔ tɪ Nyanmɪan nɪn ɔ.

⁵ Ɛmɔ ngacɪ man kɛ mɛlɛ mɔ anɪn n wɔ ɛmɔ anwɔn ɛlɔ'n, n ganlɪn ɛjɔlɛ sɔ'n n gelelɪ ɛmɔ ɔ? ⁶ Nan kɪkaala, like kɔn jɪjɪ yí, yí tɪ yé ɔ man Ɛtefɔve Swanlan Kpili sɔ'n yɪlɪ man yí nwɔn dede ɔ 'ju tɛmɔn m'ɔ fata'n, ɛmɔ sɪ like sɔ'n. ⁷ Nvɪalɛ nun, Ɛtefɔve Swanlan Kpili sɔ'n tunmin'n lɛ di junman dada angonmun. Tɛmɔn mɔ ye wɔ nun'n, ɔ di kɛ swanlan'n m'ɔ man Ɛtefɔve sɔ'n fitelɪ man'n jasɔ ɛbelɛ. ⁸ Nan sɛ ɔ jasɔ ɛbelɛ yue a, belɛ mɔ anɪn Ɛtefɔve Swanlan Kpili'n lɛ ba fite ɔ. Ɛtefɔve sɔ'n, tɛmɔn mɔ yé Mɪn Zozi 'ba a yí anunminnyanmɔn ɔ nɔn yí tunmin nɪn anun'n, ɔ 'ba bu yí fɔɔ maan be kun yí, ɛsɛ ɔ 'fa yí tunmin bɔ yí busɔ bɔkɔɔ. ⁹ Mɛlɛ mɔ Ɛtefɔve Swanlan Kpili'n 'ba yɪ yí nwɔn'n, *Satan 'ba fa yí tunmin'n wula yí nun. Swanlan sɔ'n 'ba fa tunmin kpili sɔ'n yɔ ato nzɔlɛ ɔ nɔn ato asɪnbɛnwɔn ninngɛ. ¹⁰ Ɔ 'ba fa ɛtɛ ɛyɔlɛ tunmin'n m'ɔ le yí'n yɔ ninngɛ ngacile kvɔlaatin ɔ laka menian'n-mɔ ɔ man be minlin. Menian sɔ'n-mɔ 'ba minlin, ɔ sanlɪn kɛ b'a nne man ananhɔlɛ ɛjɔlɛ'n b'a nni man, ɛsɛ b'a ngulo man ananhɔlɛ ɛjɔlɛ'n m'ɔ man be nyan bé ti'n. ¹¹ Ɛhɪka

ati, Nyanmian Kpili a yi nnaka tunmin'n ke ɔ lí junman bé nun maan be lé ato ejòle'n be lí. ¹² Yí ti, bé kwalaa mɔ b'a nne man ananhòle ejòle'n b'a nni man'n, nan ete nun anwɔn palasili yê be lili'n, bé sɔ menian'n-mɔ, be 'bu bé fɔɔ be kun bé.

Emɔ nánndi ngehele kpa nun asu

¹³ Anianman-mɔ, emɔ mɔ yé Mɔn kulo bé'n, ɔ di ke temɔn biala ye da Nyanmian asi wɔ emɔ dunman nun. Ɔ sanlɔn ke Nyanmian a fele emɔ abɔɔɔ nun anun ke ɔ 'man emɔ nyan bé ti, ɔ nanndi Wawe Nwanzan-nwanzan nun asu, emɔ kaci yí menian be de ananhòle'n be di. ¹⁴ Ɔ nanndi Ejòlekpa'n mɔ ye bɔli ye heleli emɔ nun asu yê ɔ'a fele emɔ maan emɔ a nyan ngɔan ɔ. Ɔ'a fele emɔ yí nwɔn ke emɔ bála a nyan yé Mɔn Zozi Kilisi anunminnyanmɔn'n bie. ¹⁵ Ehika ati, anianman-mɔ, ngehele'n mɔ ye hanlɔn yí yé nɔan nun ye heleli emɔ anaan ye heleli yí kalata su ye nwanlɔn emɔ'n, emɔ fá síe kpa be nánndi su.

¹⁶ Yé Mɔn Zozi Kilisi muonun nɔn yé Sɔ Nyanmian Kpili mɔ b'a hulo yé, b'a nwun yé nwɔn anwun-nvoe b'a wowula yé anwɔnsele m'ɔ le man ayuelie, ese b'a man y'a nyan anyɔndasɔe kpa'n. ¹⁷ Be cíci emɔ alba be mán emɔ anwɔnsele maan ninnge kwalaa mɔ emɔ 'yɔ anaan ejòle kwalaa mɔ emɔ 'kan'n, ɔ yó faɔn.

3

Emɔ séle Nyanmian be mán yé

¹ Yí be-yue-asiɛ, anianman-mɔ, emɔ séle Nyanmian be mán yé maan yé Mɔn Anɔan Ejòle'n bó sánndi nde-nde, menian'n-mɔ lé lí, be wúla

yí anunminnyanm̀un ke be wulali yí wə emə afian elə'n. ² Eɛe emə sɛle Nyanmian be mán ə lé yé fi menian etefvɛ'n-mə n̄un ati anun etɛ'n-mə asa nun. Ɔ sanlɪn ke nán menian'n-mə kwalaa yê be de Eɟɔlekpa'n be di ə. ³ Nan kusv yé Mɪn tɪ ananhələfvɛ. Ɔ 'wowula emə anwɔnsɛle, eɛe ə 'sisa emə wə Abənsanm̀un anwɔn. ⁴ Yé Mɪn dunman nun, ye de emə ye di. Ɔ man ye nwun yí f́óɔn ke emə le yə, eɛe emə 'ba yə ninngɛ'n-mə mə y'a hele emə ke emə ý'n. ⁵ Yé Mɪn búka emə maan Nyanmian ehulo'n tánlan emə ahɔnlɪn'n-mə anun yé yalɛ'n mə emə le nwun ý'n, ə mán emə sí abɔtalɛ ke Kilisi sili abɔtalɛ'n.

Junman elie'n yə ehian kpa

⁶ Anianman-mə, ye le kele emə wə yé Mɪn Zozi Kilisi dunman nun ke nán man emə nun anianman'n-mə mə be le yə efvan'n, mə eɛe be nnanndɪ man ngehele'n mə ye falɪ ye manlɪn emə nɪn asv'n bie fíi tu nun. ⁷ Like mə emə yə a, ə n̄un yé dɛ'n tɪ kɔn'n, emə sɪ. Ɔ sanlɪn ke mele mə anɪn ye wə emə anwɔn elə'n, y'a ngaci man efvanfvɛ. ⁸ Y'a mman man sɔanlan fíi a ngua man yé n̄van alɛ mgban. Nan efɛ n̄un yalɛ nɪn anun, ye lili junman sele kpa kəngəɛ n̄un eyua, ə man emə anun bie fíi a mmə man yé nwɔn kalɛ. ⁹ Ye yɔlɪ yí sə, nán ke bie a, ye le man atɪn ke ye sə ninngɛ'n mə emə 'fa be búka yé nɪn anun ə. Nan yé nwan ye 'yə yí sə maan emə nɪan sv be yə bie. ¹⁰ Mele mə anɪn ye wə emə anwɔn elə'n, ye hanlɪn ye helelɪ emə ke: “Sɔanlan m'ə ngulo man ke ə di junman'n, ə le man atɪn kusv ke ə di like ə”.

¹¹ Ye le kan sə ye kele emə, afɪ y'a tɪ ke emə afian elə, mmie-mə a kaci efvanfvɛ, be nni man junman fíi, nan menian eɟɔle nun cenjin elie yê ə cian bé ə.

¹² Bé sɔ menian'n-mɔ, yé Mɪn Zozi Kilisi dunman nun, ye 'bɔtɔ bé ye kan ye kele bé ke be lí junman wɔ anzɔnunjɔ nun alɪhɪan biala be nían bé nwon.

¹³ M'ɔ tɔ de emɔ'n, anianman-mɔ, nán man emɔ anwɔn bubu bé wɔ ye eyɔle nin anwɔn.

¹⁴ Sɔanlan mɔ yí nyɪn a nzɔ man ngehele'n mɔ y'a hele wɔ kalata ehi anun'n, emɔ héle yí dunman be síe, ese nán man emɔ nɔn yí tu nun, be mán nyian hún yí. ¹⁵ Nan kɔsɔ, nán man emɔ bu yí ke kpɔfɔe, nan emɔ kánmzɔ yí. ɔ sanlɪn ke ɔ ti emɔ anianman.

Nyila

¹⁶ Yé Mɪn muonun m'ɔ man alɔacɪcɪe'n, ɔ sín atɪn biala asɔ ɔ mán emɔ tánlan wɔ alɔacɪcɪe nun cɪan daa. Yé Mɪn nɔn emɔ kwalaa tánlan.

¹⁷ Ahɪn'n mɔ mɪn bisa emɔ'n, mɪn muonun, mɪn Pɔlɔ, n ne mɪn sa yê m'an hele ɔ. Ke mɪn sannɪn mɪn kalata'n-mɔ kwalaa nin anɪn, ke mɪn kpɪn mɪn kele yí nin anɪn. ¹⁸ Yé Mɪn Zozi Kilisi nwún emɔ kwalaa anwɔn anwunnvoe.

Nyɥhyɛ Fɔfɔlɛ'n
Anyin: Nyɥhyɛ Fɔfɔlɛ'n New Testament

copyright © 1997 Wycliffe Bible Translators, Inc.

Language: Agni Sanvi

Contributor: Wycliffe Bible Translators, Inc.

All rights reserved.

2024-02-11

PDF generated using Haiola and XeLaTeX on 21 Feb 2024 from source files
dated 29 Jan 2022

b4bf56fc-6e3d-5a7c-9f55-25d2c3645a88